

ACTA
PROVINCIALIS
CONCILII
CAPVANI.

R O M A E



THE

LIBRARY

OF

THE

LIBRARY

OF

NICOLAUS CAETANVS

DEI, ET APOSTOLICÆ SEDIS

GRATIA S. R. E. TIT. S. EVSTACHII

Presbyter Cardinalis de Sermoneta nuncupatus

& Archiepiscopus Capuanus &c. Omnibus

Prouincię nostrę fidelibus salutem

in Domino.



Antiquissime, & prudentissime, vt alia omnia, statuerunt Patres in Concilio Tridentino, vt vetus illa crebro cogendarum Synodorū prouincialium consuetudo, quę, plerique in locis iam pridem obsoleuerat, & referretur, ac renouaretur primo quoque tempore, & deinceps attente, ac diligenter retineretur. Nam vt in corporibus, ita in moribus nostris, multa quotidie vitiosa gignuntur; quę nisi sepe purgentur, ab exiguis profecta principijs, temporis progressu, incredibile dictu est, quantas inferant calamitates. Vtile igitur est, ea, cum primum efferre se, ac succrescere incipiunt, coerceri, ac comprimi, neque expectari vsque eo dum vetustate robustiora fiant. Id facillime, ac comodissime eiusmodi Synodis videtur effici posse: in quibus & cōmuni diligentia, ac studio inquiritur in ea omnia, quę in quaque Prouincia defleunt, ac degenerant a recta Christianę

discipline regula, & Deus ipse, ac Dominus noster Iesus
Christus communibus votis vocatus lucem præfert animis
nostris ad reperienda, capiendâq; salutaria consilia, & ad ine
undam rationē, qua, quæ deprauata sunt, corrigantur. Hoc
nos quidem animo, atque hac spē freti, omnes Capuanæ
nostrę Prouincię Episcopos, ceterosq; quibus in eius gene
ris conuentibus sententię dictio est, haud ita pridem conuo
cauimus, eosq; quantum in nobis fuit, adhortati, atque
obtestati, vt Dei, & muneris sui memores, in commune con
fulerent, omniaq; proferrent, quæ Deo grata, & publice
utilia fore censerent, de illorum consilio ac consensu decre
uimus, ac statuimus hæc, quæ nunc, ne quis ea sibi inco
gnita esse causetur, atque in culpa hoc perfugium habeat,
publicamus. Obsecramus autem vos per ea, quæ omnibus
hominibus præcipua esse debent, Dei gloriam, & animo
rum vestrorum salutem, vt ea & suscipiatis libenter, & dili
genter obseruare studeatis. Cogitate quanto laboriosior vi
ta sit eorum, qui vitijs, quàm eorum, qui legibus seruiunt.
Simul illud considerate, in his violandis, non tam nostram
auctoritatem contemni, quàm illius, a quo dictum est, Qui
vos audit, me audit: qui vos spernit, me spernit. Deus Opti
mus Maximus immittat, inspiretq; vobis omnibus
eam mentem, vt vestræ potius in obtemperan
do modestię laus tribuenda sit, quam pœ
næ a quoquam ob contumaciam
exigendæ. Valete in Domino.



1

A C T A
P R O V I N C I A L I S
C O N C I L I I
C A P V A N I.

IN NOMINE PATRIS ET FILII
& Spiritus sancti. Amen.



OS Nicolaus Caetanus Dei & apostolicę Sedis gratia S. R. E. tituli Sancti Eustachij presbyter Cardinalis, & Archiepiscopus Capuanus, de consilio, & assensu Reuerendissimorum dominorum Coepiscoporum nostrorum, qui nostro mandatu ad laudem, & gloriam Dei in hanc prouincialem Synodum conuenerunt, hæc statuimus, & sancimus.

DE MVNERE EPISCOPORVM.

Primum vt, quod ipsi fecimus, idem etiam Reuerendissimi fratres, ac coepiscopi nostri faciant; idest, vt in eis, quę posthac cogentur dioecesanis Synodis, omnia, & singula, quę a sacro Tridentino Concilio definita, & constituta sunt, publice suscipiant, Summo Rom. Pont. veram, ac perpetuam obedientiam spondeant, omnes hereses detestentur, & anathematizent, fidem catholicam profiteantur, ita vt institutum est ab eodem sacro Concilio Tridentino, & ijs ipsis verbis, quibus concepta est formula a sanctę me. Pio iiij. Pont. Maximo publice præscripta, eademq; omnia exigant ab ijs, qui cuiuscunque generis dignitates,

A

aut

IUAL

aut beneficia ecclesiastica in Prouincia nostra obtinent, aut obtinebunt.

Joan. 4.
Joan. 13. Tum, vt quoniam Deus caritas est: eamq; quasi propriam notam esse voluit Christus, qua sui a ceteris internoscerentur, si se mutuo amarent, omne studium, omnemq; auctoritatem suam conferant, ad tollendas, componendasq; si quę sunt, tam inter ecclesiasticas, quā inter seculares personas omnes controuersias, ac dissensiones, & ad vniuersum populum Dei sancto pacis & caritatis vinculo deuinciendū.

Prouideant, vt sacramenta omnia, pro dignitate honorifice, & cum veneratione administrentur.

Ordines sacros dignis tantum personis conferant, neque quidquam vllō modo, pro eorum collatione, aut exigant, aut accipiant.

Ad Tit.
Ot. 3. Ipsi se eos esse meminerint, quos Apostolus nulli omnino reprehēsiōni obnoxios esse oportere pronuntiat. Ideoq; vitam, moresq; suos ad sacros apostolicos canones, imprimisq; ad pręcepta sacri Concilii Tridentini, quanto maximo studio poterunt, omni ex parte conforment.

In eos seuerē animaduertant, qui sacrorum librorum, aut verbis, aut sententijs nefario, ac temerariō ausu, ad iocum, contumeliam, assentationem, superficiōnem, impietatem, & vno verbo ad quoscunque profanos vsus abutuntur.

Diuini verbi contionatores eos eligant, & habeant, qui in ecclesijs suis, sacram scripturam, legem Dei, apostolicas, & ecclesiasticas traditiones, omissis inutilibus, ac superuacaneis quęstionibus, ac disputationibus, & frequenter aliās, & statutis temporibus quotidie populo exponant: sed & ipsi Episcopi idem illud munus per se obeant, & verbo Dei commissum sibi populum pascant.

DE BAPTISMO.

AC quoniam Baptismus aliorum omnium sacramentorum ianua est, per quem homines renascuntur, & ad Christi Ecclesiam aggregantur: ideo ab ipso potissimum exordientes mandamus, ut in posterum non nisi in Ecclesijs & sacra-rijs, quę prope fontes baptismales honorifice in eum usum extruentur, præterquam in casu necessitatis, aliove aliquo speciali casu, de quo Ordinarij, aut eius Vicarij notio erit, administretur, ac conferatur.

Prohibemus Parochis, ne salem benedictum, neve aquam Baptismi secularibus, alijsue concedant. Si secus faxint, viginti quinque scutatorum poena multabuntur.

Si quando contigerit, aut domi, aut ubicunque extra ecclesiam quempiam baptizari, Vas illud, in quod effundetur aqua baptismi, numquam postea profanis usibus servire fas esto.

Infantulos intra octauum, posteaquam nati erunt, diem, baptizari iubemus. Si parentum culpa secus factum erit, ab eis eadem illa viginti quinque scutatorum poena, in pios usus ordinarij arbitrio conuertenda, exigetur.

Habeant Parochi librum, in quo baptizati parentum, copatrum nomina, & cognomina, diemque natalis infantis, & quo die baptizatus, & ex legitimo matrimonio natus sit, an secus, perscribant: & ex Tridē-tini Concilij decreto unum tantum vel unam, vel ad summum unum, & unam ad tenendum infantem admittant.

Habeant item album, & decorum linteum pro veste candida, quam albam vocant, baptizatis tradenda. Idque semper ad hunc tantum usum conferuent, & bombyce, non albulis ad Oleum sanctum, & Chrisma tergendum, utantur.

Caucant, ne dum baptizant, Oleum sanctū, aut Chrisma aut in ore, aut in fronte infantium ponant, neūe vllō modo ijs abutantur, sed prius pectus, & humeros tantum oleo sancto, deinde Chrismate solum verticem liniāt ad eam formam, quē a sancta Romana Ecclesia constituta est, quā singuli Episcopi, singulis Parochis suis exhibeant, obseruariq; mandent, reiectis omnibus superstitionis obseruationibus loci, & temporis, atque omni alia superstitione eorum arbitrio corrigenda.

Vetamus, ne quis Parochus, aliūque Sacerdos vsquā alibi baptizet, quā in sua Parochiali Ecclesia, pręterquā in casu necessitatis. Non obstante quacunque quālibet antiqua cōsuetudine in contrariū obseruata, sub pœna viginti quinque scutatorum auri, quī ordinarij arbitrio in pios vsus, vt supra dictum est, conuertantur.

Sicubi autem Parochiarum domus confusę sint, curent Episcopi, vt apte & commode distinguantur.

DE CONFIRMATIONE.

Confirmationis sacramentum minori septem annis ne conferatur, neūe vllō pretextu iteretur. Si secus factum erit, a parentibus puerorum, & ab eis, qui ad eos tenendos adhibiti erunt, si modo id scientes fecerint, pœna decem vnciarum auri, in eosdem vsus, qui supra dicti sunt, conuertenda, exigetur.

Sacro Chrismate confirmati ne aqua abluātur, sed bombyce, alioūe linteo albo commodiori in eum vsum destinato statim in Ecclesia per aliquem Sacerdotem, cui id arbitrato ordinarij mandatum sit, detergeantur.

DE SACRAMENTO EVCHARISTIÆ.

Sacramentum Eucharistię super præcipuo Altari, decentioriue alio loco ab omnibus adorandum collocetur. Condatur autem in tabernaculo, quod auro purissimo illitum sit intra pyxidem auream argenteamue, aut certe intra capsulam argenteam Pyxide lignea aurata inclusam, substrato semper corporali, veloq; serico super posito, custodiatur diligentissime, & saltem bis in mense renouetur. Ardeat ante ipsum diu noctuq; lampas saltem vna. Si cuius negligentia horum quid omissum erit, in eum ordinarij, aut eius Vicarij arbitrato pœna statuetur.

Cum ad egrotos deferendū erit, cōuocetur populus campanę sono ad illud venerationis causā prosequendum.

Deferat autem illud Sacerdos cotta, stola, vel etiam pluuiali indutus, intra calicem cum patena, palla, & corporali, præeuntibus luminibus, & tintinnabulo, quā poterit honorificentissime, eodemq; ritu referat ad ecclesiā, provideatq; ut semper vna saltem sacrę Eucharistię particula in Ecclesia maneat, itidemq; vna in calice, quem ipse secum referet, ut sit, quod populus adoret.

Neque præbeatur alibi quā in Ecclesia, præterquam ex gente necessitate, præsertim die Paschę, nisi ob aliquā probabilem causam, aliquo speciali casu aliter ordinario visum sit.

Missā in Ecclesia tantum celebretur: nullo autem modo cōcedatur eius celebratio in priuatis edibus, nisi in quibus decora sint Oratoria, vel Capellę, per ordinarium ipsum visitandę, & approbandę.

In missis, quas nouas vocant, ludos, choreas, obscœnaq; & sumptuosa cōuiuia omnino prohibemus, & interdicim⁹.

Inter

Inter Missarum sollemnia in ecclesijs ordinario subditis a secularibus regularibus, clericis, laicis, confratribus, ceterisq; omnibus stipem colligi, aut eleemosynas per Ecclesiam peti vetamus. Ne tum quidem cum sacre contiones habebuntur, nisi si quas forte eiusmodi personas specialiter populo contionator ipse commendet.

Dum sacra fiunt, aut officia celebrantur, laici in sedibus ad canonicorum, aut regularium usum destinatis ne sedent.

Canonici ceterisq; omnes clerici toto eo tempore ne sedes absque necessitate commutent, neque a choro discedant, aut inter se colloquantur, sed toti sint in rem diuinam, & animo & corpore intenti. Qui secus fecerint, ordinarij aut eius Vicarij arbitrato punientur.

Vt autem hec omnia seruentur, ordinarius, aut eius Vicarius, aut eo absente, qui ex presentibus in maiori dignitate constitutus erit, aut ceteris antiquior canonicus, curet.

Nemo neque clericus, neque laicus in Ecclesia vlllo tempore deambulare, aut turpes inanescue sermones conferre audeat. Domus enim Domini non deambulationis, aut confabulationis, sed orationis domus est. Qui aduersus hoc edictum venerit, poene nomine decem scutatos pijs vsibus applicandos exigetur.

In atrijs porticibusue Ecclesiarum mensas ne ponant, qui panes dulciarios, bellaria, aut alias quasunque merces venales habent. Neque ibi mercaturę vllius generis exerceatur. Nemo ibi, aut pila, aut alio quouis modo ludat. Nemo profanum quidquam, & inhonestum agat. Qui contrafecerit, in singula facta, singulas auri vicias in pios vsus arbitrato ordinarij conuertendas, dare damnas esto.

DE SACRAMENTO PÉNITENTIÆ.

PArochi, ceteriq;, quibus cōfessiones audiēdi ius est, in subfellijs in Ecclesia ad eum vsum extructis, cū opportuna assiduitate, benigne, ac patienter cōfessiones audiant: nullam prorsus ex eo mercedem aucupantes. Quod & de ceteris omnibus sacramentis præceptum volumus, vt ea videlicet omnino gratis administrentur. Qui secus faxit, ei a sacrorum administratione ad tempus ordinarij arbitrio interdicitur.

Caueant, qui cōfessiones audiunt, ne pœnas pecuniarias, ex quibus ipsi cōmodum capiant, cōfidentibus imponant. Non enim lucro suo: sed animarū saluti studere debent.

Vna omnes atque eadē absolutionis formula vtātur, quæ in Sacerdotali perscripta est: Nempe hac: Si teneris aliquo vinculo excommunicationis &c. Misereatur &c. Dñs noster Iesus Christus &c. Passio Domini nostri Iesu Christi &c.

DE SACRAMENTO EXTREMÆ
VNCTIONIS.

CVrati Oleum infirmorum, stola, & cotta induti, nō in ampullis cum Chrismate, & Oleo sancto, sed in vasculo stāneo seiuncto bombyci infusum, & in decenti pyxide reconditum cum vno saltem lumine, & cruce per clericum delatis, & velo aliquo decenti super ipsam pyxidem obtento, ad infirmos, quanta maxima poterunt mentis puritate orantes, deferant.

Claues omnes sacramentorum omnium sub custōdia curati, & non alterius conferuentur.

Caueant Sacerdotes curati alijq; tum clerici tum laici, ne
sub

sub specie pietatis vlllo modo abutantur ijs, quæ dicta sunt sacramentis : ac presbyteri, ne laicis alijsue quibuscunque personis sacrilege sacramenta ipsa concedant. Si quid contra factū erit, laici quidem viginti quinque ducatis aureis in pios vsus arbitrato ordinarij conuertendis multabuntur, Clerici vero & eandem illam pœnam sufferent : & præterea quęcunque beneficia obtinebunt : ijs exuentur, ea lege, vt neque illa, neque vlla alia in posterum obtinere possint.

DE SACRAMENTO ORDINIS.

Ordinarij idoneos homines deligant ex decreto Concilij Tridentini, a quibus ij qui ad sacros ordines promoueri volent, itemq; presbyteri, quibus animarum cura committenda erit, prius diligenter examinentur.

Monemus insuper eosdem fratres, & Coepiscopos nostros, vt ijs demum ordines tum minores tum maiores conferant, qui & ex legitimo matrimonio editi sint, & pietate moribus, literarum scientia idonei, ex præscripto eiusdem sacri Concilij Tridentini.

Clerici autem ipsi cum ad sacros ordines promoti, aut aliquo beneficio ornati erunt, horas canonicas ne omittant.

Hortentur etiā ordinarij eos, qui aut in sacris constituti, aut beneficio aliquo ornati erunt, vt saltem semel in mense peccata sua confiteantur proprio Sacerdoti, sumantq; sacrosanctam Communionem.

SEMINARIUM, ita vt constitutū est a sacro Concilio Tridentino sess. xxij. cap. 18. Singuli ordinarij pro modo facultatum omnino constituent : quod & nos ipsi dante Dño, facturi sumus. Quod si qui Episcopatus ita tenues redditus habeant, vt Seminarium in eis erigi non queat: Nos, adhibi-

tis duobus antiquioribus Coepiscopis nostris in aliqua Ecclesia commodiore vnum, aut plura Seminaria, prout expedire videbitur, ex fructibus duarum plurimumque ecclesiarum, ex ijs, in quibus singulis Seminarium commode institui non potest, erigendum curabimus, vbi pueri illarum Ecclesiarum educantur.

Clerici, qui minores ordines, aut etiam primam tantum tonsuram acceperint, nisi in habitu, & tonsura incesserint, & alicui Ecclesie de ordinarij mandato vere inseruierint, aut in Seminario, aliaue aliqua schola, vbi bonis & litteris, & moribus informantur, manserint, ecclesiasticis priuilegijs ne gaudeant.

Clerici in sacris Ordinibus constituti, quicunque aliquod beneficium obtinent, in habitu, & congrua tonsura incedant. Nisi fecerint, post primam admonitionem fructibus vnius anni priuentur, vel alia pecuniaria poena pijs vsibus ordinarij arbitrio applicanda puniantur. Quod si contumaces esse perrexerint, aduersus eos quidem, qui beneficia obtinent, ad priuationem beneficiorum, & priuilegiorum, si in sacris non fuerint, procedi possit. Sin autem in sacris fuerint, aut beneficia non obtinuerint, poena carceris, vel pecuniaria aliaue arbitrato Ordinarij puniantur.

Omnes, cuiusvis ordinis, status, gradus, ac conditionis, qui aut iure, aut consuetudine facultatem habent conferendi beneficia non curata, saltem infra sex menses a die vacationis, eis de personis idoneis prouidere teneantur. Quo tempore elapso, & nulla prouisione canonicè facta ad Ordinarium loci iuxta formam sacrorum Canonum pro vice illa collatio deferatur. Quod si is qui defecerit, episcopus fuerit, collatio eodem modo ad Metropolitanum, & demum ad

Sedem apostolicam deuoluatur. Quod vero attinet ad collationem, & deuolutionem beneficiorum curatorum, seu Parochialium, ea omnia obseruentur, quę continentur in Bulla Sanctiss. Domini nostri Pij Quinti.

Beneficia vero non curata, quę nunc vacant, neque in hunc vsque diem collata sunt, moneantur, qui potestatem cōferendi habent, vt intra tres mēses a die monitionis, legitime illa cōferre debeant, quibus elapsis, si eis canonice prouisum nō sit, ab ordinario loci libere conferantur. Qui si & ipse negligens fuerit, collatio ad Metropolitanū, ac demum ad Sedem apostolicā, ita vt iure constitutū est, deuoluatur.

Ad fraudes, & simulatas collationes tollendas, statuimus, vt cuicumque de beneficio aliquo prouisum fuerit ab inferioribus ordinario, teneatur intra mensem a die prouisionis Bullam expeditam collationis, seu alterius prouisionis factę ordinario ostendere. Quod ni fecerit, prouisio inanis, & irrita habeatur. Liccatq; ordinario tunc libere conferre, & beneficio ipsi, tanquam iterum vacanti, prouidere.

Curent Episcopi, vt qui beneficia sine cura obtinent, aliquando ibi missas celebrent, aut celebrari faciant, pro ratione reddituū, quos ex his percipiūt, dū ne fundatio obstat.

Beneficia diruta, quę reparari non possunt, in ecclesias matrices, vel alias ex præscripto sacri Tridentini Concilij transferantur.

Iubemus, vt quicumque ex bonis ecclesiasticis alienatis collectas quascunque pecuniarum summas detinent, per ordinarium cogantur bona stabilia ijsdem pecunijs emere pro eisdem ecclesijs.

Qui habent ius præsentandi ad beneficia, videant, vt ex præscripto sacri Tridentini Concilij præsentent.

In collationibus beneficiorum nihil accipiatur, nisi pro scriptura. Quantum autem accipi pro ea debeat Ordinarij notio esto: ita tamen vt ne excedat summam decem carlenorum.

In visitatione obseruentur, quę decreta sunt a sacra Synodo Tridentina.

Vasa sacra, Vestes sacrę, & omnis sacra supellex a quocunque, cuiuscunque sumptibus facta sit, & vbicunque reperiatur: vsui ecclesię arbitrato Ordinarij applicetur. Non obstante quacunque consuetudine in contrarium forsitan obseruata. Hoc si quis impedire conabitur, hoc ipso statim in pœnam excommunicationis incidisse intelligatur.

Adhibeant Episcopi curam ad recuperanda omnia bona ecclesiastica alienata, quoquomodo ab alijs occupentur; salua tamen deputatione iudicum, quę infra ponetur.

Fenestras omnes per quas in ecclesiam prospectus est, quamprimum tollendas curent, illarumq; vsum modis omnibus interdican.

Iubemus insuper, vt quilibet beneficiatus clericus Ordinario suo id postulante Bullam prouisionis, seu collationis beneficij sui intra mensem a die postulationis personaliter factę ostendere teneatur. Quod ni fecerit, Ordinarius ipse ei beneficio tanquam vacanti, prouidere possit, dum tamen ius conferendi ad ipsum pertineat.

Volumus etiam, vt quilibet beneficiatus Ordinario iubente inuentarium omnium bonorum stabiliū, & reddituum beneficij sui in manibus Ordinarij, vel eius Vicarij tradere teneatur intra mensem inchoandum vt supra dictum est, qui si contumax fuerit, decem ducatorum pœna multetur Ordinarii arbitrio p̄iis vsibus applicandorum.

DE MATRIMONIO.

CVrent Ordinarij, vt decretum sacri Concilij Tridentini de Matrimonij contrahendis, & publicandis diligenter a Curatis obseruetur. Qui vt ab eodem Concilio constitutum est, libellum penes se habeant, & diligenter seruent, in quo proscribantur nomina, & cognomina viri, vxoris, testium, ac dies, & locus.

DE RECTORIBVS CVRAM ANIMARVM
EXERCERE DEBENTIBVS
INSTITVENDIS.

CVm sancta Mater Ecclesia singulis Ecclesijs parochialibus, quoad eius fieri potuit, semper singulos Pastores proprios & perpetuos prefigere consueuerit, propterea certum Capellanorum, genus qui ita quibusdam Ecclesijs preponi solebant, vt ad nutum Capituli, vniuersitatis, Abbatig, Monasterij, Cōfraternitatis, vel alterius cuiuscunque personę amoueri possent, tollendum omnino esse decernimus, & iam nunc tollimus. Mandantes omnibus & singulis, ad quos eiusmodi institutio pertinebat, vt intra tres menses proximos ab vltimo huius Synodi die, instituant idoneos Rectores, non qui ad eorum nutum amoueri possint, sed perpetuos ad vitam: quibus Rectoribus, & eorum Ecclesijs ea portio assignetur, quę prescripta est in Bulla sanctiss. Domini nostri PII. V. obseruenturq; cetera, quę in eadem Bulla continentur.

Moneantur in presenti per singulos Episcopos, Rectores omnes Parochialium ecclesiarum sibi subditarum, vt intra tempus eis ab ordinario prefigendum, debeat quilibet ipsorum

forum corā dicto Ordinario suo comparere ad reddendam probandamq; causam, cur non teneantur facere se promoveri ad Presbyteratum, seu ad sacros Ordines, inq; suis Ecclesijs residere, atque ibidem exercere animarū curā. Quo tempore elapso, si nihil attulerint præter consuetudinem quamlibet vetustam, nihil amplius ea excusatio ipsis proffit. Sed ordinarij illico declarent, sicut nos quoque præsentī decreto declaramus, eos tamquam veros Parochos teneri ad suscipiendos sacros Ordines, & ad residendum, curamq; animarum personaliter in dictis Ecclesijs exercendam, ac sacris Canonibus, statutoq; Tridentini Concilij sub decreto de reformatione cap. 1. Sess. 23 & omnibus alijs decretis, quę de Parochis loquuntur, subditos esse, eisq; teneri qualibet quālibet longa consuetudine, seu potius corruptela non obstāte. Capellanos autem earumdem Parochialium Ecclesiarū nō curatos, sed ipsius Curati Rectoris adiutores esse debere: si tamen prius ab ordinarijs examinati, reperti fuerint habiles ad eum in exercenda animarum cura adiuuandum.

Curent præterea Ordinarij, vt Ecclesię dirutę, vel quę redditus nimīū exiles habent, quibusue paruus animarum numerus subditus est, arbitrato, & consilio ipsorum quā commodissime fieri poterit, vniātur, & si opus fuerit, domus parochiarum, si quę sint nimium a Parochia sua distantes, de consensu Parochi sui proprii, & Parochianorum propinquiiori Parochię adscribantur arbitrio ordinarij.

Statuimus etiam, & declaramus eos esse cuiusq; Parochialis Ecclesię veros, ac proprios Parochianos, qui domos intra eius terminos sitas incolunt. Non autem si in aliam Parochiam habitandi causa commigrarunt.

OMnes clerici beneficiati, aut in sacris constituti abstineant alea, taxillis, alijsq; ludis prohibitis. Qui secus fecerit, vna auri vncia pijs vsibus arbitrato ordinarij applicanda in singula facta multabitur.

Nulli clerico, etiam in minoribus ordinibus constituto, aut prima tantum tonsura insignito, cuiuscunque sit gradus, status, ordinis, conditionis, dignitatis, liceat in Prouincia nostra arma ferre vlius generis, neque ad offensionem, neque ad defensionem, neque per Ciuitatem, aut Castra, & villas pro vsu suo per alium, seu famulum, seu Comitem deferri facere, alioquin exigentur ab eo poenę nomine ducati aurei decem, si interdiu id fecerit: si noctu, viginti. At si sclopetum deferre ausus sit, multabitur quattuor vncijs auri conuertendis (vt supra dictum est) in pios vsus, & poenam carceris per annum vnum sustinebit.

Clericus, qui armis alium percusserit, siquidem sine sanguinis effusione, viginti quinque ducatis aureis multabitur, Sin cum effusione sanguinis, duplicabitur poena couertenda in eisdem vsus pios, & praeterea vulnerato quanti intererit, prestare cogetur.

Clericus, cuiuscunque status, gradus, dignitatis, & conditionis sit, si (quod absit) aliquem interfecerit, vel occidi mandauerit, procurauerit, consenserit, auxilium, consiliu, vel fauorem ante factu, vel in facto ipso prestituerit, ultra poenas Canonum, poenam amissionis omnium beneficiorum, & inhabilitatis ad eadem, vel alia impetranda incurrat, omniumq; pensionum, fructuum, & prouentuum pijs vsibus,

vt supra dictum est, applicandorū. Crassatores autem si qui fuerint (quod Deus auertat) seuerius ex præscripto sacrorum Canonum puniantur.

Noctu deambulantes clerici, aut in habitu sæculari deprehensi, decem ducatos aureos, aut quo plus, minusue Ordinario videbitur, persolvere cogentur pijs locis attribuendos.

Clerici mercaturam ne faciant, neue alia sæcularia negotia, quę quidem a iure clericis prohibita sunt, tractent. Qui secus fecerint, quinquagenis ducatis multabuntur in eisdem illos vsus pios conuertendis.

Ne liceat clericis, quiquidē in sacris cōstituti sint, mulieres cuiuscūq; tandē ordinis sint, manib⁹ apprehēsas, humerisue innixas deducere. Qui fecerint arbitratu Ordinarij puniētur.

Et quoniam hominū improbitate fit, vt quibuscūq; ex rebus, quibus pietas excitari solebat, hodie scandali sumatur occasio: phibem⁹, ne passio Redēptoris nostri, neue diuorū res gestę vsquā in morē comœdiarū, aut tragœdiarū agātur.

Adhibeāt Ordinarij curā, vt dies festi religiose, & a clericis, & à laicis obseruētur, nec negotia in eis phibita exerceātur, qua in re, qui deliquerint, ab ijs pœnas arbitratu suo exigāt.

Contiones noctu haberi nullo modo permittant.

Clerici, neque domi, neq; extra domū cōcubinas, aliasue mulieres suspecti pudoris detineant. Si fecerint, plectentur ijs pœnis, quę Tridentino Concilio constitutę sunt: quod ipsum vt & a laicis obseruetur, ordinarij curent.

Nullus in posterū duos Canonicatus, aut Parochialē vnā cū Canonicatu, aut duas Parochiales, aut duo alia cuiuscunque generis beneficia obtinere, ac retinere possit, & collatio ipsa in cōtrarium ab ordinario facta ipso iure nulla sit, nisi si quādo ita tenuia essēt beneficia, vt vnū eorū ad vitā eius, cui cōferretur

conferretur sustentandam non sufficeret, tunc enim licebit aliud simplex eidem conferre, dum ne vtrumque personalem residentiam requirat.

At qui iam duas Parochiales obtinent, neque earum alteram ex præscripto Concilij Tridentini intra spatium sex mensium dimiserunt, sciant se in penam amissionis earum, & aliorum omnium beneficiorum suorum ipso iure incidisse. Proptereaq; talia omnia beneficia cõferri possint tanquam vacantia ab ijs, ad quos iure collatio pertinet.

Super dissimilitudine recitandi horas canonicas, quę in Prouincia nostra est, Summus Pontifex consulatur.

Rectores beneficiorum Parochialiũ, qui ad ecclesiarum reparationem omnes sumptus facere tenentur, siue hoc, siue quocunque alio nomine vocentur, aut illis provideant ita, vt statuet Ordinarius constituto eis ad id faciendum breui aliquo temporis spatio, aut Ordinarius ipse sequestratis fructibus provideat. Ita tamen vt interea supersit ipsis Rectoribus, aut quoquo alio nomine, vocatis vnde se alere possint.

DE IUDICIBVS DESIGNANDIS.

DEligat quilibet ordinarius in diocesi sua spectatę probitatis, & doctrinę viros, quibus ex præscripto Concilij Tridentini mādetur notio causarum ecclesiasticarum spiritualium, ad forum ecclesiasticum pertinentium, in ea delegandarum.

Nos vero eidem Concilio parentes, munus, & curam denuo examinandi causas bonorum ecclesiasticorum, quę his proximis triginta annis alienata sunt, deq; ijs cognoscendi mandamus, & committimus Reuer. Vicario Capuano, D. Io. Dominico Rosello I. V. D. Canonico Capuano D.

Lelio

Lelio Sessæ V.I.D.Canonico,& Vicario Sueffano,D.Marco Bolognino Primicerio Calatino.

DE MONIALIBVS ADMITTENDIS, ET
EARVM PROFESSIONE.

Sacri Concilij Tridentini decreto obtemperantes mandamus, ne puella vlla, quę regularem habitum suscipere voluerit, prius admittatur, quàm duodecimũ annũ compleuerit, liquidoq; cognitum fuerit ab Episcopo, aut eius Vicario voluntatem ipsius plane liberam, & sponte susceptã esse, neque vim, aut metum, neque dolum, ac fraudulentas blanditias interuenisse: quę vtraque si adfuerint, neque vllum aliud canoniciũ impedimẽtum obstiterit, ex decreto eiusdem Tridentini Concilij cap. 17. Sess. 25. Ordinarij, aut eius Vicarij cognitione, & arbitrio admitti poterit.

Ad professionem autem emittendam nulla admittatur, quę sextum decimum annum non expleuerit, quęq; saltem annum vnum post habitum susceptum in probatione non fuerit.

Si qua antea professã erit, professio ipsa nulla sit, nullũq; producat effectum. Neque prius emittatur professio, quàm Ordinarius, aut eius Vicarius diligenter explorauerit, num libera sit puellę voluntas, cui rei vt diligenter operam dare possit, teneatur præfecta monasterij certiores eum facere mense vno antea. Nisi fecerit, suspendatur ad tempus ab officio ipsius ordinarij, aut eius Vicarij arbitratu.

Emissã autem professione nemini monialium liceat etiã ad breue tempus e monasterio exire, nisi ex legitima causa Ordinario, aut eius Vicario probata, & exeundi facultate ab eorum alterutro data, ac scriptis comprehensã. Si qua secus

C fecerit

fecerit, aut pœna carceris ad tempus, aut alia, Ordinarij arbitrato, plectetur.

Potest Ordinarius permittere, vt a consanguineis, & affinis alicuius monialis quippiam ei dono detur, dummodo id totum tradatur in manus Abbatis, quæ ex eo primum prouidebit necessitatibus illius. cui datû erit reliquû, si quod erit, in vsus monasterij conuertetur.

Idem etiam intelligatur de mercede, si qua debetur alicui moniali ob aliquid, quod manibus suis elaborauerit.

Nulli prorsus, neque laico, neque clerico cuiuscunque gradus, etiam si alicuius Monasterij monialium gubernator sit, liceat in ipsius Monasterij septa ingredi, nisi eius rei facultatem scripto comprehensam prius ab Ordinario eiusûe Vicario obtinuerit. Si quid secus factum erit, excommunicatio, in quam ipso facto incurrat, pœna esto.

In ipsa Monasteria a Gubernatoribus inscia præfecta nihil immitti liceat.

DE BLASPHEMIA.

Detestabile Blasphemie vitiû, cui & diuina, & imperiali lege capitis pœna proposita est, a prouincia nostra exterminare cupientes, hæc statuimus, inherentes sacro Concilio Lateranensi, & constitutioni S. D. N. PII Papæ Quinti super ea re editæ, vt si clericus (quod absit) Sanctum Dei, ac Christi eiusûe matris nomen blasphemauerit, pro prima vice multetur fructibus vnus anni omnium beneficiorum suorum. Quod si denuo idem fecisse cõuictus sit, omnibus beneficijs exuatur. Si tertio, omnibus etiâ dignitatibus spoliatus depouatur, & in exiliû mittatur. Quod si is sit, qui nullum beneficium obtineat, pro prima quidẽ vice arbitrato Ordinarij, aut pecuniaria,

pecuniaria, aut corporalis ab eo pœna exigatur, Pro secunda eiusdem arbitrato, afficiatur pœna carceris, Pro tertia sollemniter degradetur, & ordinarij (vt dictum est) arbitrato ad triremes relegetur.

At laicus, si quidem nobilis fuerit, pro prima vice viginti quinque ducatis, Pro secunda, quinquaginta, Pro tertia, centum ducatis multetur: & præterea Ordinarij arbitrato ad tempus exulet.

Pecunię, quę hoc nomine exigetur, tertia pars ad executores officiales perueniet: reliquum pijs locis Ordinariorum arbitrio applicetur.

Quod si ignobilis fuerit, & non soluendo, ne inopia sua pœnam eludere se posse confidat, pro prima vice manibus post tergum reuinctis ad ostium ecclesię per diem integrũ stare cogetur: pro secunda, fustibus per Ciuitatem verberabitur: pro tertia, publice perforabitur ei lingua, & ad triremes arbitrato Ordinarij relegabitur.

Qui sanctos, sanctasue Dei blasphemauerit, pro qualitate blasphemię, & personę, eiusdem arbitrato punitur.

DE INCANTATIONIBVS, ET SORTILEGIIS.

VT Maleficorum, incantatorum, & sortilegorum im pijs artibus, quę sæpe numero etiam heresim olent, obuiã eatur, statuimus, vt clerici quidem, si qui se forte quoquo modo eo crimine obstrinxerint, sollemniter degradati, atque omnibus beneficijs exuti, in carcerem præterea detrudantur, ibiq; arbitrato Ordinarij pœnas luant: Laici autem pro commissi atrocitate, & qualitate personarum, aut pecuniarijs pœnis, in eos qui supradicti sunt, vsus conuertendis, aut etiam corporalibus coerceantur: quod si etiam abusus

rerum sacrarum, aut demonum inuocatio interuenerit, tanto seuerius in eos, qui id fecerint, animaduertatur.

DE VSVRIS.

VT inexplibilis fœneratorum auiditas pœna aliqua comprimatur, statuimus, ut quicumque clericus in quocunque contractu, aut negotio usuram aliquam cõmiserit, pœna suspensionis, ac pecuniaria, uel carcerum, Ordinarij arbitrio, pro modo delicti puniatur: Laici autem eiusdem criminis conuicti notentur infamia, multentur amissione eius rei, aut quantitatis, super qua contraxerint, eaq; res, aut quantitas piis usibus applicetur. Imponantur etiam eis alię pœnę pecuniarię, ut ordinario uidebitur, pro modo delicti in eosdem usus conuertendæ. Idq; ultra restitutionem faciendã parti læsę. Declaramus autem etiã Notarios, qui usuraria instrumenta cõficiunt, iisdem pœnis teneri.

DE SACRILEGIO.

SI qui Sacrilegi comperti fuerint, pœnis Canonum subiiciantur.

Si qua alia Episcopis corrigenda videbuntur, pro sua prudentia corrigant, omnesq; studium suum conferant ad radices vitiorum ita elidendas, ut denuo pullulare nõ possint.

DE FVNERIBVS, ET ALIIS QVIBVSDAM AD MORTVOS PERTINENTIBVS.

QVod ab pompam funebrem attinet, Vetamus, ne prefinitum ullũ pretiũ sit pro viaticis, pro sepultura, pro:
puls-

pulsatione maiorū, minorū uē campanarum, pro diuer sis crucis insignibus, pro culcitris mortuorū : pro panno, quo feretrū operitur; similibus uē rebus deferendis, aut agendis. Ita tamen ut nō tollamus honestā, & probatam consuetudinem, condito iam corpore, accipiendi aliquid pro exequijs, quod etiā corā ordinario ab ijs, ad quos pertinet, peti possit.

Caplæ omnes muris ecclesiarum affixæ, seu alia mortuorum deposita, aut cadauerum conditoria supra terram extantia, ornatumq; , aut debitum vsum ecclesiæ, vel capellæ impediencia, & earum omnis generis apparatus, & ornatus profanus infra mensem a die publicationis præsentis Synodi sub excommunicationis pœna tollantur, & ossa mortuorum, ac cineres in sacro loco subtus terram collocentur. Ita, ut sepulturę lapides solo æqueantur. Talia autem deinceps poni, & fieri omnino Ordinarij non permittant.

Cum multis in locis Capuanę Prouincię nostrę extiterit, extetq; hodie inueterata, & supra hominum memoriā consuetudo, qua decedentibus ab intestato ciuibus, seu incolis, atque etiam Peregrinis, quarundam ecclesiarum Capitula, vel ipsarum Canonici, seu alij, etiā in ecclesiastica dignitate constituti, ac forsan Episcopi eisdem defunctis testamenta condebant, hęreditatisq; iacentis partem hęredibus ab intestato adscribebant, necnon etiam partem aliquam Ecclesię, vel pauperibus Christi, seu etiam sibi ipsis relinquebant: nullis vero eorundē ab intestato decedentiū cōpertis hęredibus de bonis ipsis omnibus arbitrio suo disponebant: Nos cupientes immemorabilem hanc consuetudinem, & disponendi de bonis huiusmodi liberā facultatē, in melius quantum cum Deo possumus, commutare: Statuimus, ne jis, qui intestati decedunt, testamenta, alię uē exactiones aduersum